

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ
ՈՐՈՇՈՒՄ N 16/89

ք.Երևան

24 փետրվարի 2023թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ վարչական իրավախախտման գործի վերաբերյալ 30.08.2022թ.-ի թիվ 501845/20 որոշման դեմ «Երևանի մաթեմատիկական մեքենաների գիտահետազոտական ինստիտուտ» ՓԲԸ (ՀՎՀՀ՝ 00001672) տնօրենի դիմում-բողոքը՝

ՊԱՐԶԵՑ

«Երևանի մաթեմատիկական մեքենաների գիտահետազոտական ինստիտուտ» ՓԲԸ տնօրեն Ռոմիկ Հարությունյանի (այսուհետ նաև՝ բողոքաբեր) կողմից Հանձնաժողով է ներկայացվել դիմում-բողոք ՀՀ ՊԵԿ վարչական իրավախախտման գործի վերաբերյալ 30.08.2022թ.-ի թիվ 501845/20 որոշման (այսուհետ նաև՝ Որոշում) դեմ, որով բողոքաբերի նկատմամբ կիրառվել է Վարչական իրավախախտումների վերաբերյալ ՀՀ օրենսգրքի 169¹²-րդ հոդվածով նախատեսված պատասխանատվության միջոցը՝ 50.000 դրամի չափով:

Հարկ է նշել, որ ՀՀ ՊԵԿ իրավաբանական վարչության պետի կողմից 15.02.2023թ.-ին կայացվել է ՀՀ ՊԵԿ վարչական իրավախախտման գործի վերաբերյալ թիվ 501845/20-Փ որոշումը, որով Որոշման «Որոշեցի» մասը փոփոխվել է և շարադրվել հետևյալ խնբագրությամբ. «2.1 Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի՝ Ռոմիկ Հարությունյանին ազատել վարչական պատասխանատվությունից և հայտարարել բանավոր դիտողություն:

2.2 Ռոմիկ Հարությունյանի նկատմամբ հարուցված վարչական վարույթը կարճել:»:

ՀՀ հարկային օրենսգրքի 442-րդ հոդվածի 2-րդ մասի 8-րդ կետի համաձայն՝ հարկային մարմնի բողոքարկման հանձնաժողովն ընդունում է հարկ վճարողի դիմում-բողոքի քննարկման վարույթը կարճելու մասին համապատասխան գրավոր որոշում, եթե բացակայում է հարկային մարմնի կողմից բողոքարկվող իրավական ակտի, գործողության կամ անգործության դեպքը:

Հիմք ընդունելով վերը բերված փաստական տվյալները և ղեկավարվելով ՀՀ հարկային օրենսգրքի 442-րդ հոդվածի 2-րդ մասի 8-րդ կետի դրույթներով Հանձնաժողովը գտնում է, որ դիմում-բողոքի քննարկման վարույթը ենթակա է կարճման:

Ելնելով քննարկման արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով՝ Հանձնաժողովը

ՈՐՈՇՈՒՄ Է՝

«Երևանի մաթեմատիկական մեքենաների գիտահետազոտական ինստիտուտ» ՓԲԸ տնօրենի դիմում-բողոքի քննարկման վարույթը կարճել:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

2/27/2023

X 

ԱՐՏՅՈՄ ՍՄԲԱՏՅԱՆ

ՀԱՆՁՆԱԺՈՂՈՎԻ ՆԱԽԱԳԱՀ՝

Signed by: SMBATYAN ARTYOM 3210860416

ԱՐՏՅՈՄ ՍՄԲԱՏՅԱՆ